

17. maj 2016

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Tasiilami kalaallisuuliornermik Sisiumiunitut ittumik ammaasoqarsinnaanera periarfissaqarpa?**
- 2. Periarfissaqarnera uppernarsineqarpat, pilersaaruteqartoqarnissaa siunniunneqarsimava?**
- 3. Taamaappat qaqugu pilersaaruteqartoqarnissaa naatsorsuutigineqarsinnaava?**
- 4. Taamaangippat suut tunngaviuppat?**

(Inatsisartuni ilaasortaq Laura Táunâjik, Siumut)

Tunngavilersuut:

Tasiilami suliffissaaleqineq ilinniarfissamillu inersimasutut periarfissat atuagarsorsinnaangitsunut soqanngilaq. Atuagarsornikkut pisinnaasakittut eqqarsaatigalugit tunu immikkut kalaallisuunik inuiattut peqarnera sulilu pisinnaalluartunik amiakkoqarnerani atorluarnissaa piukkunnarlunnaraluarpoq. Taamatullu soorlu aamma ilisimaneqartoq Avanersuarmi immikkut inuiattut atisaminnik peqarput.

Tasiilami sanalunnikkut periarfissaqareerpoq, pingaartumik tassani Workshopmi angutaanerusut sanalunnermik aallussisarput. Iluatinnaatigaalu ‘Skæven’ takornarianut innuttaasuniillu atorluarneqarmat. ‘Skæven’ aqqutigalugu amernik sanaluttarneq ingerlanneqartoq ilisimaneqareerpoq, tassunga taggillugu kalaallisuuliornermik ilinniarfiusinnaasumik aallartitsinissaq piukkunnartuuvoq.

Assarsorsinnaasut pikkorissut kinguaassanullu ingerlatitseqqissinnaasut maannakkut suli ingerlatsiniarsaripput. Inuiattut kinaassutitsinnik pingaartitaraarput atisatsigut kinaassuserput takutissallugu. Tamanna piorsassallugu tulluurtuuvoq, pingaartumik kulturikkut kinaassuseq tammatsaaliorneqarluni. Taamaattumik Naalakkersuisut matuminnga pilersaaruteqarnerisut paaserusunnarpoq.

Apequuteqaatima ullut qulit suliffiusut iluanni akineqarnissaat kissaatigaara.